

Athör ë rou cï Pïter göt

Wet nom

Athör det cï Pïter göt aci gät koc juëc cï gam pan Athia. Wetdüt ë get yen athöör, ee lon bik röt tiit kärec ye koc kök piöcc, wël ë koc thel käk ë bal yiic. Ku kë bi ke kony atö wet Nhialic yic, wet cï koc cï Jethu Bányda tñj ku piñkë wetde piöcc.

Pïter ë gät athöör rin ye koc ye lueel lon cï Raan cï lac ku dac bi ben dhuk pinynhom. Aye Pïter lueel lon cï Raan cï lac ku dac bi lac dhuk ayic rin acin raan wic Nhialic bi mää, awic bi raan ebën luoi kärec puöl.

Käk tö thin

Muöth tueñ 1:1-2

Koc cï gam aa dhil pïr ke cït cöt ë Nhialic 1:3-21

Koc piöcc e lueth 2:1-22

Ben ciëen Raan cï lac ku dac 3:1-18

1 ¹ Yen Thaimon Pïter, alony ku ya atuny Jethu Kritho, yen aget tënë we. Nhialicda raan luäk yo Jethu Kritho, raan la cök path apei, aci yo ku week yodhie gam piöcc thöñ ë rienke. ² Wek aabi Nhialic nyuöth nhiërde apei ku col we aala döör düt apei, rin cï wek riel Nhialic ku Jethu Bányda ñic.

Koc cï gam aa dhil pïr te cït cöt ë Nhialic

³ Jethu aci yo gam käriëc ebën ë ciëekde, käk wïcku ke bi yok ke pïr cït te dhil koc cï gam pïr thin. Kënë aci rot lëu rin cï yok Nhialic ñic. Ku ë yen aci yo col buk dieckde ku piathde rom kek ye. ⁴ Ku këya, Nhialic aci yo gam miöc juëc thiek yiic apei wäär cï thön yo. Te luui wek ë ke, ke wek aa puut bei käjuëc ë koc rac ye koc kuc Nhialic yiëc kepuöth, käk ke rac. Ku këya, wek aabi pïr ciëekde yic. ⁵ Rin cï Nhialic kakkä looi ë rienkua, themkë apei bäk piath mat gamdun yic. Ku matkë ñieec ë Nhialic piathdun yic. ⁶ Ku adhielkë them apei bäk duöt ë rot ku gum mat thin, ku piëerkë cït te wic Nhialic ye thin. ⁷ Themkë apei bäk koc kök nhiaar piäthkun ebën ku nhiarkë Nhialic aya. ⁸ Kakkä kek aa käpuöth wic ke, ku na ñieckë Bányda Jethu Kritho, ka bäk muk apei wepuöth. Ku këne acii we bi col acit adakrööt cie pierden ye kuëec nom. ⁹ Ku raan liiu käpuöthkë tënë ye, athöñ kek raan cï col cie daai, ku aci nom mää lon cï adumuöömke laak wei.

¹⁰ Këya, miethakäi, themkë bäk pïr dhël ye nyuöth lon cï Nhialic we lac ku col we bäk aa kacke. Na luoi këya, ke wek aacii gamdun bi kañ puöl. ¹¹ Ku këlä, Bányda ku ye Aluäñda, Jethu Kritho abi we yiëc yic düt apei bäk la bäanyden akölrüëc ebën yic.

¹² Këya, wek aaba ya tak nhüim akölaköl bäk kakkä aa tak col alon ñic wek ke, ku col alon cï wël yith cï ke piöcc tënë we teem wenhüim aya. ¹³ Aya tak ë yic ba we ya tak nhüim te not pïr yen. ¹⁴ Anjiec lon bi yen guo liu pinynhom rin aci Bányda Jethu Kritho lek ya ayic. ¹⁵ Aba them apei ba dhöl bi wek kakkä lök aa tak, aköl le yen thou, looi.

Pïter ku atuuc kök aci lec Jethu tñj

¹⁶ Acie anyiköl takku ë path, yen yeku lek we wäär ye yok jam tënë we te bi Bányda Jethu Kritho ben dhuk pinynhom kek riöldit apei. Yok aaci rielden cï yen rot wañ bi ruel bi la diardiar tñj ë nyienkua. ¹⁷ Yok aa yo tö thin ë got nom wäär leec Wäda Nhialic ye, ku looi bi rot wañ bi yer apei bi la diardiar. Tewäär tö yok ë got nom, yok aaci röl piñ, röl bö nhial tënë Nhialic ke lueel ëlä, “Kënë ë Wëndien nhiaar, mit yen puöu tënë ye.” ¹⁸ Yook nhüim guöp, yok aaci röl këne piñ ke bö nhial wäär rëer yok kek ye ë gon Nhialic nom.

¹⁹ Këya, yok aacii diu wël cï göt theer, welke keye koc käk Nhialic tñj lek koc. Wet këne athöñ ke many dep muöth yic. Ee dep yet bi piny bak, ku ruel Kritho ë dep wepuöth cimën ye ciëer bak piny ruel beei pinynhom. Ee këpath yen abäk looi te teu wek wepuöth käk keye kë ke piöcc. ²⁰ Kë leukë bak deet yic apei, ee lon acin raan lëu ye bi käk ye Nhialic nyuöth koc kække tñj, käk cï ke got athör theer yiic, teet yiic rielde ë rot. ²¹ Rin acin raan käk Nhialic tñj cï wet Nhialic kañ lek koc rielde ë rot. Ee Wëi Nhialic yen ë koc käk Nhialic tñj cök nhüim te lueel kek wet bö tënë Nhialic.

Koc piöoc ë lueth

2¹ Wätheer koc aa lueth keye ye lueel lon ye kek koc käk Nhialic aake ci tuöl kam koc, ku kälä, koc piöoc ë lueth aabi tuöl kamkun aya. Aabi piöoc wël lueth bi gam rac koc puöth. Ku koc piöoc ë luethkä aabi kuc lon ci Raan ci loc ku doc ye Benyden yen ci ke waar adumuööm yic. Ku luoiden, aabi kek kë rec ke guo yök thin. ² Kälä aya, koc juéc ë Nhialic aabi piööcden rëec kënë buoöth yic, ku rin käreec yekë ke looi, koc aabi kuöc aa jam dhël yic ci Nhialic nyuöth koc. ³ Rin wic kek wëü juéc tënë we kek koc piöoc ë luethkä, aabi we muör anyikööl yekë keek tör. Ku tetheeryon agut emën, Nhialic bi luönden looi ku yen bi keek rac, areer ke ci rot guiir bi keek tem awuöc.

⁴ Yen aluel kënë rin Nhialic akëc atuucken nhial puöl wäär looi kek adumuööm. Aaci ben pieer muööth yic tethuth mec yic apei ke ci ke rek, ke tit aköl bi yen luödit looi tënë ke. ⁵ Ku kälä aya, Nhialic akëc koc theer wäär kuc ye pinyhom ben puöl. Aci piny ben col abor bi kockä mou ebën. Ee Noa raan wäär koc lek dhël la cök yen aci ben kony kek koc kök kadhorou. ⁶ Ku Nhialic aya aci gen Thodom ku Gomora ben tem awuöc, ku cueny ke bik aa col kek koc ku käk tö thin ebën. Kënë aci Nhialic looi bi koc nyuöth kë bi rot looi aköldä tënë koc ci kuc ë wetde. ⁷ Ku yeen aci Lot ben kony, rin ye Lot raan path man käreec ye koc kök ke looi. ⁸ Tewën rëer raan puöth kënë ë kamken, ëcie puöu ye miet akölaköl te tiñ yen käreec ye looi. ⁹ Cit lon ci Bány kakkä looi, aye nyooth lon anic te bi yen koc path kuony thin käk gumkë ke yiic, ku tem koc rec awuöc akölaköl yet aköl luödit, ¹⁰ koc ke looi käk ë bal la biñ ye guäpken ke wic ku kueeckë bäany Nhialic.

Koc piöoc ë luethkä aa ril nhiim ku aa puöth lac thöök, ku aacie jak puöth tö nhial ye theek, aa yekë ke läät. ¹¹ Na cok atuuc Nhialic la riöldit apei tënë ke, aacie koc piööckä ye läät Nhialic nom.

¹² Koc piöoc luethkä, aa käk wic piäthken ke kek aa yekë ke looi ë path cimën lääi cie tak. Këya, aa kan dhöl yiic ë path ke cin yiny peth dhel kek keyiic, ku cik ke kon deet yiic. Ku këya, aabi Nhialic nöc cimën dhie ye raan lan tö thin ye nöc dom ku nek.

¹³ Koc piöoc luethkä käreec looi tënë koc kök, aabi luoi käreec aya. Rin keek aa puöth miet te looi kek käreec. Ku miet piänden ayekë yök te mith kek ku dekkë ku loikë käk bal cok aköl ë path. Ku kälä, aa yar guöp beei tënë we te looi kek käreckä ke we mith ë tök ke ke. ¹⁴ Keek aa rëer ke wic diäär, ku aacie kööc wicwic luoi käreec. Ku keek aa koc ci gamden ril tënë Jethu muör bik adumuööm looi. Ku keek aci dit ë puöu ñieec. Ku keek aabi Nhialic tem awuöc rin käreec yekë ke looi. ¹⁵ Aaci luoi käpath puöl ku dhukkë dhël jöñrac. Aaci te ye Balaam wën Biör luui thin buoöth yic, raan wäär nhiaar wëü ye ye riop bi käreec looi. ¹⁶ Ku Balaam aci Nhialic ben mat apei rin käreec ci looi. Akajade aci ben jam cimën ë raan, ku pëen Balaam bi ci ë luui cimën raan ci muöl.

¹⁷ Kockä aa cit wër ci döu ku aa cit athöör, ye yom kuaath ë path. Nhialic aci tecol thuth yic ten koc piöoc luethkä looi tënë ke. ¹⁸ Keek aa jam ë nhiaam wël cin kë ye kuany thin. Ku aa luui käk ë bal bi kek koc deep, koc puoc gam puoc jal tënë koc këc wet Nhialic gam. ¹⁹ Ayekë lek kockä lon bi kek nhiim lääu löön juéc ye koc ci gam ke theek, ku keek nhiim aa loony käreec yekë ke looi, rin raan ë ya alony käreec ye looi käreec ci ye rum puöu ye rac. ²⁰ Na koc ci käk tö pinyhom, käk koc col ayik kepuöth luoi käreec puöl, rin ci kek wet Bányda ku ye Aluända Jethu Kritho ñic, ku na benkë luoi käreec dhuök ë pinyhom, ka jol rëec apei abik tewäär këc kek Jethu ñic waan thok. ²¹ Ee bi ñueen apei tënë ke tënë këc kek dhël la cök kan ñic, ku benkë kuc löñ ci Nhialic lek ke. ²² Kë ci rot looi tënë ke aye nyooth lon wël ye keñ lueel ëlä yith, “Jöñ ë ñok dhuök,” Ku, “Dir baai ci deñ lok ë rot ben daal tiök yic.”

Jethu abi ben dhuk

3¹ Kockien nhiaar, kënë athör det ye athör rou ca ben gat we. Athörkä yiic ebën, aca them ba we ben lek käk ñieckë ke, rin bi wek wenhiim tääu thin bäk aa tak apath. ² Awiéc bäk wël ë Nhialic ci koc käk Nhialic tiñ lueel wätheer, ku kë ci Bányda ku Aluända, col aye atuuc lek koc, aa tak.

³ Wet tueñ bäk kan deet yic ë lon te le nin aköl luödit thiök, ke koc kök rec, koc ke looi käk wic piäthken kepec aabi tuöl. Ku keek aabi we aa bui. ⁴ Ku luelkë, “Aci Jethu thon lon bi yen ben ku luelkë, ye yic? Yen ako? Wärkuan dit aaci thou wätheer, ku këriëc ebën anot cit tetheer wäär cek Nhialic piny.” ⁵ Ku aluelkë këya rin ci kek nhiim riel bik yic ci gam, yic ci Nhialic nhial ku piny cak wätheer ë wet lueel ë path. Wetden ci lueel aci piny col atul piü yiic, ⁶ ku Nhialic aci piü looi aya, piü aboor bi yen ke piny kënë rac. ⁷ Ku nhial ku piny tö thin emën, aaci Nhialic wet lueel aya lon bi kek rëer thin yet aköl bi yen ke rac. Ku ee mac yen abi ke rac. Aa mec ke rin aköl bi yen ke luk looi ku rec koc ci wetde ye gam. ⁸ Duökkë nhiim mär ë kënë

kockien nhiaar. Acin kënë wäac tektek Nhialic yic ë kam akäl tök ku ruöön tiem tök, aa thön kedhie karou tënë ye. ⁹ Nhialic acie gäau bi kë ci thon bi looi col aloi rot cok alon ye koc kök ye tak këya. Alir puöu kek we, rin acin raan wic bi rac, awic bi koc ebën kepuöth wel wei adumuöömken yiic ku dhukkë tënë ye.

¹⁰ Ku Beny abi ben aköl cin raan ric ye, cimën dhie ye cuär ye looi këya. Ku aköl kënë arööldit apeï abi rot looi, ku käk tö nhial aabi riäak, aabi mac rac, ku piny kek käk tö thin aabi dep ebën bik liu. ¹¹ Ku cit lon bi käjuëckä ebën rac këya, ke we ye koc bi yiëndë emën? Wek dhil pir pir la cok ë Nhialic nom, ¹² te rëer wek ke we tit aköl bi Nhialic luk ben looi tënë koc ë pinynhom, ku luöökë apath bi aköl kënë lac ben. Aköl kënë yen aköl bi mac dep ku rec nhial, ku atuöc abi käk tö nhial lëëñ. ¹³ Ku yok koc ci gam, titku nhial ë yam, ku piny ë yam wäär ci Nhialic ke thon bi koc la cok, la pir thin tecit te wic Nhialic ye.

¹⁴ Këya kockien nhiaar, te rëer wek ke we tit aköl bi Nhialic luk looi tënë koc pinynhom, wek aadhil luui apeï bi week yok ke we ë koc la cok cin gup adumuööm, ku lak döör ke ye. ¹⁵ Tieñkë lier puöu Bänyda ke cit dhël bi koc kony käk rec keek yiic. Yen ë kënë ci Paulo, raan nhiarku ci gam cimënda we gät ë ñieec këñ ci Nhialic yiëk ye. ¹⁶ Këlä aya, Paulo aci ñieec gät rin ë kakkä athör yiic ebën ci tuöc koc ci gam. Ku athörkä aala yiic kök ril yiic cie deet. Ku aaci koc ë piöoc, koc kuc këñ koor gamden ye teet yiic apath, cimën ye kek wël koc theer ë Nhialic kuöc piöoc aya. Ku këlä, aa kë rec ke beei tënë ke ë röt.

¹⁷ Ku wek kockien nhiaar, wek aa ric ë kënë theer. Tietkë röt apath bi koc kuc yithkä we ci mär ë piöocden ë lueth, bäk jäl dhëldun la cok rëer wek thin. ¹⁸ Ku wek aa dhil la tueñ akölaköl ke we ric niër ku lier ë puöu Bänyda ku ye Aluända, Jethu Kritho, ku juakkë ñieecdun tënë ye. Bi ya leec emën ku akölrüëc. Yenakan.